

[www.BibleForChildren.org](http://www.BibleForChildren.org)



Yohane 14



Yesu walambila beshikwiya bakendi, “Myoyo yenu kaitashupika. Kamushomani Lesa, kayi mushome nenjame. munga'nda muli Bata muli bipinda bingi yakwikalamo necabula kubeco, nendalamwambila.”




“Ndenga akumubambila misena. Lino ndakapwisha kumubambila misena, ninkabwele kwisakumumanta, kwambeti mukabenga nk weshinkabenga.”



Njame Yohane washoma munenu, tulapengenga  
cebo ca Yesu Mwami wetu, uyo latupanga ngofu  
sha kupita mu mapensho. Ndalabikwa pa

nsumbu ya Patimo  
cebo ca kukambauka



mulumbe wa Lesa,  
ne cancinencine ico  
ncalayubulula Yesu.



Mushimu wa Lesa mpowalamfukata, ndalabona  
cipuna ca Bwami kwilu ne uyo walikuba wekalapo.




Popelapo ndalanyumfwa byonse byalabumbilwa kwilu ne pa cishi ca panshi ne bya panshi pene pene, bya mu lwenje, byonse bikute buyumi kabimbileti, “Kuli uyo wekala pa cipuna ne Mwana Mbelele bashikaishiwe, balemekeshewe, bapewe bulemeneno ne ngofu kwamuyayaya.”



Kayi ndalabona Munshi Uswepa Yelusalemu wa linolino kauseluka kwilu kuli Lesa, wabambwa cena mbuli nabwinga ncakute kufwala cena ayanga kukumana ne ibendi. Ndalanyumfwa liswi ku Cipuna ca Bwami Iyalikompololeti, “Kamubonani lino ng'anda ya

Lesi ili pakati pa bantu, nakekale nabo pamo. Nabo nibakekale nendi! Nibakabe bantu bakendi, nendi nakabe Lesa wabo.”



Lino mungelo walandesha mulonga wa menshi  
eshikupa buyumi. Aswepeti gilasi kapupa kufumina  
panshi pa cipuna ca Bwami ca Lesa ne  
ca Mwana Mbelele.



Kumunika kwa lisuba ne mwenshi nkakwali kuyandika  
umo mu munshi sobwe, pakwinga bulemeneno bwa  
Lesamunikinga, neye Mwana  
Mbebele elampi lya munshi.




Kuliya cintu casafwana eti cikengilemo nambi muntu lenshinga bishikuleta nsoni nambi mubepeshi eti akengilemo. Abo balembwa maina mu libuku Iya buyumi Iya Mwana mbelele ebonka beshi bakengilemo.




“Nakabapukute misoshi yonsepa menso. Nteti pakabe lufu nambi kulila mibila nambi kunyumfwa bishikubaba. Bintu byalikubako pakutanguna bilapiti.”




Paliya cintu cashinganwa ne Lesa etici kakanike mumunshi uwo. Pakwinga Cipuna ca Lesa ne ca Mwana mbelele nicikabenga mukati mu munshi, Umo basebenshi bakendi mweshi bakamukambililenga. Kayi nibakamubone menso ne menso, kayi lina lyakendi nilikalembwe pa nkumo pabo.



Kayi ndalabona bantu bafwa bamakulene ne batwanike kabali bemanu ku cipuna ca Bwami. Mabuku alacalulwa, kayi libuku nalimbi lyalacalulwa, ili elibuku lya buyumi. Bafwa nibakomboloshewe kwelana ne micito yabo yalembwa mu mabuku awo. Bonse balabula kulembwa maina mu libuku lya buyumi balawalwa mu lwenje lwa mulilo.



Mushimu Uswepa ne nabwinga wa Mwana Mbelele balambangeti, “Kamwisani!” Muntu lanyumfunga neye ambeti, “Kamwisani!” Muntu lanyumfunga nyotwa ese atambule menshi abuyumi abula mulo.



Kayi Lesa walabasunisha bantu  
pacishi capanshi, ecebo cakendi  
walayaba Mwanendi umo enka,  
kwambeti uliyense eti  
akamushome akacane  
buyumi butapu.



Baloma 3:23

Bantu bonse balepisha, kayi balalilwa kushika ku  
bulemeneno bwa Lesa.

Baloma 6:23

Nomba malipilo a bwipishi ni lufu. Nsombi cipo ico Lesa  
ncakute kupa, nibuyumi butapu mukwikatana pamo ne  
Klistu Yesu Mwami wetu.

Bahebeli 9:27

Muntu wela kufwa kankanda kamo nanshi, kufumapo  
lombolosho



## Baefenso 2:8,9

Pakwinga Lesa niwankumbo walamupulusha, cebo cakumushoma. Nte mungofu shenu mobene nsombi ni cipo ca Lesa. Muntu nkakute kupuluka pacebo ca ncito shakendi, kutineti ngaulitunta.

## Baloma 10:9,10

Na ulasuminishinga ne mulomo wakobe kwambeti Yesu ni Mwami, kayi na washoma mumoyo wakobeti Lesa walamupundusha kubafu nukapuluke. Pakwinga na muntu lashomo ne moyo wakendi, ukute kuba walulama pamenso a Lesa, kayi na lasuminishi ne mulomo wakendi ukute kupuluka.



## Yohane 3:16,17

Kayi Lesa walabasunisha bantu pacishi capanshi, ecebo cakendi walayaba Mwanendi umo enka, kwambeti uliyense eti akamushome akacane buyumi butapu. Lesa nkalatuma Mwanendi panshi pano, kwambeti omboloshe milandu ya bantu, nsombi kwambeti abapulushe.

## 1 Yohane 5:11-13

Bukamboni bwakendi nibwakwambeti Lesa walatupa buyumi butapu bukute kucanika mukwikatana ne Mwanendi. Uliyense wekatana ne Mwana nakabe ne buyumi butapu, nombi wabula kwikatana ne Mwanendi Lesa uliya buyumi sobwe. Ibi ndalembelenga njamwe mwashoma Lina Iya Mwanendi Lesa kwambeti mwinshibeti mukute kendi buyumi butapu.



Yohane 14; 2 Bakolinto 5; Kuyubulula 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Soli NT (sby) © The Word for the World International, 2018

<https://www.bible.com/en-GB/bible/2447/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

